



Na osnovu člana 9. Zakona o kantonalnim ministarstvima i drugim tijelima kantonalne uprave Srednjobosanskog kantona („Službene novine Srednjobosanskog kantona“, broj: 8/03 i 14/03) i Odluke Vlade Srednjobosanskog kantona o usvajanju Programa utroška sredstava sa pozicije "Transfer - Poticaj šumama u skladu sa Zakonom o šumama“, utvrđenog Budžetom Srednjobosanskog kantona za 2024. godinu, broj odluke: 01-02-6432/2024 od 18.07.2024. godine, u skladu sa tačkom II. C. 17. i 20. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine i Zapisnika komisije o otvaranju, pregledu i ocjeni prijave- projekata po Javnom pozivu broj: 12-22-6171/24-43 od 09.12.2024.godine, direktor Kantonalne uprave za šumarstvo, d o n o s i:

ODLUKU

o dodjeli sredstava na osnovu postupka provedenog po Javnom pozivu „Transfer - poticaj šumama u skladu sa Zakonom o šumama“ utvrđenih izmjena i dopuna Budžeta Srednjobosanskog kantona/Kantona Središnja Bosna za 2024. godinu

I

Na osnovu postupka provedenog po Javnom pozivu za dodjelu sredstava sa pozicije „Transfer-poticaj šumama u skladu sa Zakonom o šumama“ utvrđenih Budžetom SBK/KSB za 2024. godinu usvojenog Odlukom Vlade SBK broj 01-11.7-6432/2024 od 18.07.2024.godine i izmjeni Programa utroška Odlukom Vlade SBK broj 01-11.7-8120/2024 od 03.10.2024.godine, kriterijima raspodjele sredstava sa pozicije "Transfer - Poticaj šumama u skladu sa Zakonom o šumama“ pravo na korištenje sredstava ispunjenjem kriterija ostvarila su 2. (dva) podnosioca u ukupnom iznosu od 45.879,23 KM, i to:

- Projekat Asocijacije privatnih šumoposjednika Srednjobosanskog kantona, „Identifikacija i mapiranje ilegalnih deponija otpada na šumskom zemljištu na području općina Jajce i Vitez“ u iznosu od **20.881,02 KM**,
- Projekat Udruženja inženjera i tehničara šumarstva u FBiH, „Digitalizacija procesa gospodarenja državnim šumama na teritoriji Federacije Bosne i Hercegovine“ ŠPD/ŠGD Šumarija Travnik u iznosu od **24.998,21 KM**

Prijave podnosioca:

- Udruga za turizam, ekologiju i ruralni razvoj Kreševo broj 12-22-6171-/24-31 od 13.11.2024. godine i
- LD „LJEŠTARKA“ Kiseljak broj 12-22-6171/24-36 od 18.12.2024. godine

nisu ispunile kriterije za dodjelu budžetskih sredstava.

II

Sredstva iz tačke I. stav 1. ove Odluke osigurat će se sa pozicije 614 300 JBN 001/ „Tekući transferi neprofitnim organizacijama- poticaj šumarstvu“ Budžeta SBK za 2024. godinu.

III

U skladu sa tačkom B. Visina sredstava i izvori sredstava Programa utroška sredstava, Izmjenama i dopunama Budžeta Srednjobosanskog kantona za 2024. godinu i tačke III. stav 3. Javnog poziva

direktor Kantonalne uprave za šumarstvo će zaključiti ugovore o finansiranju sa odabranim korisnicima u kojima će se urediti: predmet ugovora, iznos dodjeljenih sredstava, uslovi i način isplate i korištenja dodjeljenih sredstava, vremenski rok provedbe i dostave potpune dokumentacije za isplatu, način praćenja i kontrole namjenskog utroška dodjeljenih sredstava, te ostala međusobna prava i obaveze korisnika sredstava.

IV

Ova odluka stupa na snagu danom donošenja.

V

Protiv Odluke, podnosilac prijave može podnijeti progovor Ministarstvu poljoprivrede, vodoprivrede i šumarstva u roku od 8 (osam) dana od dana prijema Obavještenja.

Prigovor ne odgađa izvršenje Odluke i nastavak provođenja postupka dodjele.

Broj: 12-22-6171/24-44

Datum: 17.12.2024. godine

Direktor
Seval Konjalić dipl. ing. šum.

